

610-ԱԿԱՆ ԹՈՒԱԿԱՆՆԵՐԻ ՎԵՐՋԻՆ ԾԱՐՍԴՐՈՒԱԾ «ԱՇԽԱՐՀԱՑՈՅՑ»Ի ՀԵՂԻՆԱԿԻ ԾՇՏՄԱՆ ՓՈՐՁ

«Աշխարհացոյց»ի ամբողջական գիտա-քննական բնագրի կազմման առիթով (տպագրուած «Հանդէս ամսօրեայ»ի 2013 տարեգրքում)¹ մեր կողմից կատարուած վերլուծութիւնը թոյլ է տալիս մտածել, որ Հայկական վաղ միջնադարի այդ բացառիկ աշխարհագրական երկի ստեղծման գաղափարն ու գաղափարախօսութիւնն, ըստ ամենայնի, ուղղակիօրէն ներշնչուած են 610ական թուականների առաջին կէսում Խոսրով Բ. Ապրուէզ Սասանեան արքայի տիրապետութեան տակ վերամիաւորուած Մ'ծ Հայք աշխարհ-շահը ուրամանեան վարչական սպասելի բարեփոխման, մասնաւորապէս՝ «Հայոց իշխանի» հանգամանքի հաստատման հեռանկարից եւ իրողութիւնից:

Դեռեւս 1940ին Աշ. Աբրահամեանի կատարած ամփոփմանը յղում կատարելով կրկին յիշենք, որ «Աշխարհացոյց»ի ստեղծման «ժամանակի վերաբերեալ բանակարենքը յայտնել են իրարից տարբեր չորս հիմնական կարծիք. 1) Միջիբարեաններն «Աշխարհացոյց»ը համարել են Մովսէս Խորենացու աշխատութիւն՝ Խորենացուն համարե-

1 Աշխարհացոյց է ԴԱՐԻ ԱՆԱՆՈՒՆԻ, Գիտա-քննական բնագրի Ա. ՅԱԿՈ-ԲԵՆՆԻ, - «Հանդէս ամսօրեայ», ձեւ. տարի, Վիճանա-Երեւան 2013, ս. 35-194; «Աշխարհացոյց»ի նախորդ հրատարակութիւններից տե՛ս Սրբոյ հօրմ մերոյ ՄՈՎԱՀԵՍԻ ԽՈՐԵՆԱՑԻՈՅ Մատեմագրութիւններ, Վեճետիկ 1848, կը 585-616; Արմանական կարծիք. 1) Միջիբարեաններն «Աշխարհացոյց»ը համարել են Մովսէս Խորենացու աշխատութիւն՝ Խորենացուն համարե-

լով Ե. դարի հեղինակ. 2) ՍԵՅ-Մարտէնն «Աշխարհացոյց»ը համարել է կեղծ (սուտ) Մովսեսի գործ՝ գրուած Թ. դարի վերջերում կամ Ժ. դարի սկզբներում. 3) Յ. Մանանդեանն «Աշխարհացոյց»ը համարել է Խորենացու աշխատութիւն՝ Խորենացուն քերելով Թ. դար եւ, վերջապէս, Ք. Պատկանեանն «Աշխարհացոյց»ը համարել է Անանիա Շիրակացու գործ՝ գրուած է. դարում²: Աշ. Աբրահամեանի այս նշաններին յետագայ տասնամեակներին աւելացել է միայն Ս. Երեմեանի կարեւոր տեսակէտը, համաձայն որի՝ երկը կարող էր գրուել 618 թուականից ոչ ուշ, քանի որ, ըստ Սեբիսոսի³ եւ շինարարական արձանագրութեան՝ այդ տարում է Վաղարշապատում կառուցուել կամ առնուազն՝ հիմնադրուել) Սբ. Հոփիսիմէի եկեղեցին, իսկ «Աշխարհացոյց»ում նրա փոխարէն գեռեւս խօսւում է «մարտիրոսուիկների մատուռների» մասին⁴. ճիշտ է՝ ուսումնասիրողն, ի վերջոյ, նախընտրում է 610 թուականին նախօրեակը՝ համարելով, որ Վերքի սրբավայրերի մասին աշխարհագէտ հեղինակի դրական նկարագրութիւնն աւելի հաւանական է վերագրել Հայ եւ Վրաց եկեղեցիների բաժանմանը (609ի) նախորդած տարիներին⁵:

Արդ, ինչպէս յայտնի է, 610ին Բիւզանդիայի Փոկաս կայսրին սպանեց նրա ապստամբած Հերակլ զօրավարը, որը նոր կայսր հռչակուեց եւ գահին տիրեց երեք տասնամեակ (610-641). Հերակլ կայսեր իշխանութեան առաջին մէկուկէս տասնամեակները, ինչպէս յայտնի է, եղան կայսրութեան էական թուլացման շրջանը: Օգտուելով իր այդ գլխաւոր հակառակորդի խառնակ վիճակից՝ իրանի արքայից արքայ Խոսրով Ապրուէզի յաղթական բանակները շատ արագ գրաւեցին Բիւզանդիայի գրեթէ բոլոր արեւելեան

-
- 2 ԱԲՐԱՀԱՄՄԵՍՆ, Ա., Խորենացուն վերագրուող «Աշխարհացոյց»-ի հեղինակի հարցի շուրջը, Երեւան 1940, էջ 48:
- 3 Պատմիչի անուան այս նշագրին մասին տես՝ ԱԿԻՆՆԵՍՆ, Հ. Ն., Սերիոս եպիսկոպոս Բագրատունեաց եւ իւր Պատմութիւնն ի Հերակլ, – «Մատենագրական հետազոտութիւններ», հ. Բ, Վիեննա 1924 (Ազգային մատենադարան, ձԴ): ՅԱԿՈԲԵՍՆ, Ա., Սերիոսի Պատմութեան հատուածարաժաման խնդիրը և Զուարքնոցի տաճարի կառուցման մասին գլուխը, – «Հանդէս ամսօրեայ», ձմթ տարի, Վիեննա-Երեւան 2005, սն. 213-270:
- 4 ԵՐԵՄԵՍՆ, Ս. Տ., Հայաստանը ըստ «Աշխարհացոյց»-ի (Փորձ VII դարի հայկական քարտէզի վերակազմութեան ժամանակակից քարտէզագրական հիմքի վրայ), Երեւան 1963:
- 5 «Աշխարհացոյց»-ի մասին գրականութեան վերջին հիմնարար ամփոփումը տես՝ ՅԱՐԱՒԹԻՒՆԵՍՆ, Բ. Յ., Մեծ Հայքի վարչա-Քաղաքական բաժանման համակարգը ըստ «Աշխարհացոյց»-ի, մաս Ա, Երեւան 2001:

պրովինցիաները՝ 612ին՝ **Փոքր Ասիայի մեծ մասը**, 614ին՝ **Պաղեստինը** (գերուեց Տէրունական խաչը), 617ին՝ **Եգիպտոսը**: Հէնց ալդ պատմական պահին տեղի ունեցաւ 385 կամ 387 եւ 591 թուականներին զոյտ բաժանումներով երկաստուած Հայաստանի (**Մեծ Հայք երկրի**) երկու մասերի վերամիաւորումը Սասանեանների տէրութեան կազմում:

Ներկայումս լիովին հնարաւոր է թուում փաստարկել, որ մեզ չխմբագրուած-չամառօստուած տարբերակով միայն մէկ ձեռագրում հասած (Վենետիկի թիւ 1245. ընդօրինակուած է Հայոց ՌԾԳ. (1604) թուականին, ցաւալիօրէն, խիստ անուշադիր գրիչ Ստեփաննոսի կողմից՝ «Աշխարհացոյց Մովսէսի Խորենացյ ասացեալ» վերտառութեամբ, թ. 1ա-38ր⁶ այդ աշխարհագրական երկը նրա շրջանառու «ընդարձակ խմբագրութիւն» անուանումը չի կարող ճշգրիտ համարուել՝ հէնց նշուած պատճառով) սկզբնապէս շարադրուել է նախ եւ առաջ՝ իբրև մի յատուկ ծրագրային փաստաթուղթ-տեղեկատու՝ Տիգրոնում 615/616ին կայացած (**Մ.** Վան էսբրուկի հաշուարկով 617/618ին)⁷, այսպէս կոչուած, «Պարսից ժողովին» մասնակցող հայկական «պատուիրակութեան» կողմից օգտագործուելու նպատակով: **Սեբիոս** պատմիչի ուղիղ վկայութեամբ (ով իր աշխատանքն սկսել էր մօտաւորապէս 643ին եւ երրորդ փուլում գրիչը վայր դրել 659ի առաջին կէսին⁸ Տիգրոնի ժողովին մեկնողներն իրենց հետ էին վեցըցել նման մի նիւթ. «Ունեին պատրաստական անդ ընդ ինքնանս զգիր սրբոյն Գրիգորի»⁹. **Միւս** զուգահեռը «Կեիի հաւատոյ» ժողովածոն է, որի ստեղծումը եւս մասնագէտները կապում են կոմիտաս կաթողիկոսի եւ «Պար-

6 Ձեռագրի նկարագրութիւնը տե՛ս Մայր ցուցակ հայերէն ձեռագրաց մատենադարանին Մինիթարեանց ի Վենետիկ, հ. Բ., Յօրինեց ՍԱՐԳԻՍԵԱՆ, Հ. Բ. Վ., Վենետիկ - Ա. Ղազար 1924, էջ 811-818:

7 ԴԱՆԻԵԼԵԱՆ, Է. Լ., Հայ եկեղեցու մկանումներու հոսպով Փարուէզի վարած Քաղաքանութիւնը, - ՊԲՀ, 1981, հմբ 4, էջ 197: Հմմ. VAN ESBROECK, M., *L'encyclique de Komitas et la réponse de Mar Maroutha (617)*, - «Oriens Christianus», 85, էջ 162-175:

8 Այդ թշգրտուած ժամանակագրութեան մասին տե՛ս ՅԱԿՈԲԵԱՆ, Ա., Սեբիոսի Պատմութեան հատուածարաժամանամ իմերիը և Զուարքնոցի տանարի կառուցման մասին գլուխը, սե. 213-270:

9 Տե՛ս Սեբիոսի Եպիսկոպոսի Պատմութիւն, Զորբորդ տպագրութիւն, Բաղդասուրեամբ ձեռագրաց, հանդերձ առաջարածի և ծանօթութեամբ ի ձեռն ՄԱԼԻՍԱՍԵԱՆՑ, ՍՏ, Երեւան 1939, էջ 124: Պատմութիւն Սեբիոսի, Աշխատասիրութեամբ Գ. ԱՐԳԱՐԵԱՆԻ, Երեւան 1979, էջ 170:

սից ժողովի» համատեսադի հետ¹⁰: Սերբնակի ունեցած տեղեկութեան համաձայն՝ Սմբատ Բագրատունու եւ անձամբ Խոսրով Ապրուեզ արքայի գլխաւորութեամբ անցկացուած այդ «ժողովում» Քննարկուել է լոկ դաւանական այն խնդիրը, որի արդիւնքում Հայոց եկեղեցու դաւանակեր հաստատուել է իրեւ Սասանան տէրութեան քրիստոնեայ համայնքների համար միակ ընդունելին (ըստ առկայ բնագրի՝ «Ցորյ վերայ հրաման եւ արքայ Խոսրով, եթէ ամենայն քրիստոնեայք, որ ընդ իմով իշխանութեամբս են՝ հաւաս զՀայոցն կալցին»): Մական լրացուցիչ աղքահւրագիտական նիւթի քննական համադրումը թոյլ է տալիս մտածել, որ նոյն ժողովում կամ աւելի ճիշտ՝ նրա համատեքսուում, ըստ ամենայնի, քննարկուել ու լուծում են ստացել նաեւ տարածքային ահուելի ձեռքբերումներ ունեցած իրանական տէրութեան համար կարեւորագոյն այլ պետական, վարչա-քաղաքական խնդիրներ:

Հստ Ժ. դարի պատմիչ Մովսէս Դասխուրանցու «Պատմութիւն Աղուանից»ում (գրուած՝ 982-988 թթ. միջեւ¹¹) պահպանուած մի քանի ուշագրաւ տեղեկութիւնների՝ Աղուանից աշխարհի «առաջին իշխան» Վարազ Գրիգորը Վիրոյ Աղուանից կաթողիկոսի (596-629) խնդրանքով էր Խոսրով արքայի կողմից նշանակուել իր պաշտօնում եւ «մկրտութիւն» էր ստացել Վիրոյից (Հմմտ. բնագրերը՝ «Վարդ ծնանի զՎարագման եւ զԾուշիկ տիկին եւ զՎարազ Գրիգոր՝ առաջին իշխանն Աղուանից, որ առ մկրտութիւն ի Վիրոյ՝ Աղուանից կաթողիկոսէ»; «Այս Վարազ Տրդատ ի Միհրական տոհմէ էր, որք զԱղուանս ժառանգեցին որդի ի հօրէ առնելով: Սա ութերորդ էր ի Վարազ Գրիգորէ՝ առաջին իշխանն Աղուանից»; «Տէր Վիրոյ, ամս Լ. ... սա խնդրեաց ի Խոսրովայ արքայէ զրել պատիւս Գարդմանայ տէր եւ իշխան Աղուանից ի վերայ թղթոց «առ կուսակալս աշխարհիս», զոր եւ դեռևս զրեն»)¹²:

10 Կմիք հաւատոյ ընդհանուր առյօք եկեղեցւոյ... յաւուրս Կոմիտաս կաթողիկոսի համահամենայ, Հրատ. ԿԱՐԱՊԵՏ ԵՊ, Վաղարշապատ, 1914: ԿՈՄԻՏԱՍՍ ԿԱԹՈՂԻԿՈՍ, Կմիք հաւատոյ, -«Մատենագիրք Հայոց», հու. Դ., Ե. դար, Անդիլիս 2005: Հմմտ. VAN ESBROECK, M., *L'encyclique de Komitas et la réponse de Mar Marouha*, էջ 162-175.

11 Այդ ժամանակագրութեան նշուման մասին տե՛ս ԱԿՈՊՅԱ Ա. Ա., *Ալբանիա-Ալյանս Յհուանական և գրեկո-լատինական և ծառապահանական առաջնորդությունների մասին*, Երևան 1987, 212-223:

12 ՄՈՎՍԵՍ ԿԱՂԱՆԱԿԱՏՈՒՅՑԻ, Պատմութիւն Աղուանից աշխարհի, Քննական բնագիրը եւ ներածութիւնը Վ. ԱՐԱՔՉԵՆԵԱՆԻ, Երևան 1983, գլ. Բ.Ժէ, էջ 172; Գ.Ժ. Իի/, էջ 326; Գ.իգ. Իիի/, էջ 343:

Արդ՝ Վիրոյ կաթողիկոսը, ով 630-632 միջակայքում Անանուն Կաղանկատուացի կոչուած հեղինակի կողմից շարադրուած եւ Մովսէս Դասխուրանցու երկում բառացի արտագրուած «Վիրոյ կարողիկոսի պատմութիւն» կոչուող միաբնակ երկի վկայութիւններով՝ իր իշխանութեան առաջին տարիներից (ճշգրիտ՝ 602ից) մինչեւ նախավերջին տարին (628) ապստամբներին սատարելու կասկածով Տիգրոնում էր պահևում պատուաւոր աքսորեալի կարգավիճակով¹³, ըստ Սեբիոսի՝ 610ական թթ. կէսերին Տիգրոնի «Պարսից ժողովի» մասնակիցներից էր, ընդ որում երկարնակ, քաղկեդոնական գաւանանքով (Սեբիոսի այդ հատուածն է. «Խակ որք զԲաղկեդոնին՝ զՎիրոյ զԱղուանից կաթուղիկոսն եւ այլ բազում եպիսկոպոսներ ի Յունաց կողմանէ, եւ իշխաններ էնեալ էնի ի ծառայութիւն Պարսից թագաւորին»): Ըստ Հայոց կաթողիկոս Անանիա Մովկացու (Ժ. դար) եւ Վրաց կաթողիկոս Արսէն Սափարելու (Ժ. դար)¹⁴ է. դարի առաջին տասնամեակի եկեղեցական բաժանումից յետոյ, երբ յուսահատուած Աբրահամ Աղքաթանեցին 609 թուականին, ի վերջոյ, նզովք ուղղեց Վրաց կաթողիկոս Կիւրիոնին եւ «Աղուանիցին» (այսինքն՝ Վիրոյին)¹⁵, Աղուանից եկեղեցին միաբնակութեան էր վերադարձել Հայոց կաթողիկոս Կոմիտաս Աղցեցին (615-628)¹⁶, ով, ի դէպ, եւս «Պարսից ժողովի» մասնակիցներից էր՝ դեռ եպիսկոպոսի կարգավիճակով: Նշուած վկայութիւնները համարելով՝ Հաւանական է թւում մտածել, որ այսրկովկասեան երեք երկրների մեծ ինքնավարութիւնը խորհրդանշող ոչ միայն Աղուանից, այլև Հայոց եւ Վրաց «Ոշխան»-ների հաստատութիւնները (ինստիտուտները) հիմնագրուել են (անկախ նախորդող դարաշրջանի նմանատիպ, բայց աւելի թոյլ հաստատութիւններից) հէնց «Պարսից ժողովում» կամ նրա համատեքստում: Իսկ այդ դէպքում պէտք է հասկանալի լինի, որ նշուած

13 Վիրոյի «ապստամբութեան» մասին առաւել մանրամասն տե՛ս ԲԱՐԵՒՆԻ-ՏԱՐԵՍՆՅՅ, Մ. ԵՊ., Պատմութիւն Աղուանից, Խո. Ա., Թիֆիլս 1902, էջ 92-93: ԱԿԻՆԵՍՆՅ, Հ. Ն., Մովսէս Դասխուրանցի կոչուած Կաղանկատուացին իր Պատմութիւնները (ինստիտուտները) հիմնագրուել են (անկախ նախորդող դարաշրջանի նմանատիպ, բայց աւելի թոյլ հաստատութիւններից):

14 Գիրք թղթոց, Տիգիս 1901, էջ 193-194; ԱԲՐԱՀԱՄ ԱՂԲԱԹԱՆՅՅ, Աղուանիցին, Թուղթք [6], Հրատ. ՄՈՒՐԱԴԵՍՆ, Պ., Ա. ՅԱԿՈԲԵԱՆ, Ա., - «Մատենագիր Հայոց», Խո. Դ., Ե. դար, Անդրիլիս 2005, էջ 19-20:

15 Տեսն Անամիայի հայոց կաթողիկոսի Յաղագս ապստամբութեամ տանի Աղուանից..., «Արարատ», 1897, էջ 137: ՄԵԼԻՔՄԵԹ-ԲԵԿ Լ., Վրաց աղրիւրերը Հայաստանի եւ հայերի մասին, Խո. Ա. (Ե-ԺԲ դար), Երևան 1934, էջ 37-38:

ինքնավարական հաստատութիւնները ենթադրում էին ոչ միայն Սասանեան կենտրոնական մարմինների կողմից Հայոց, Վրաց եւ Աղուանից «իշխան»ների իրաւասութիւնների յստակ սահմանում, այլև այն փարչատարածքների ճշգրիտ առանձնացում ու մատնանշում, ուր այդ իրաւասութիւնները պիտի գործէին:

Եւ ահա տեսնում ենք, որ մեր «Աշխարհացոյց»ը հէնց փորձում է բաւականաչափ յստակ սահմանել տուեալ տարածքները. ընդ սմին՝ Հայք աշխարհ-շահրի դէպօւմ է. դարի հայ աշխարհագէտը դա անում է 385/387 եւ 591 թուականներին բաժանագծերի բացարձակ անտեսումով (թէպէտեւ երկի բնադիրը բազմազան ու կարեւոր տեղեկութիւններ է հաղորդում այդ բաժանագծերի մասին): Ուշագրութիւն դարձնենք, որ «Աշխարհացոյց»ում յատուկ նշում են նաեւ, նորօքեայ եզրոյթով ասած՝ «վիճելի» հատուածները («որ ի Հայոց հանեալ են» կամ «ի Հայոց առեալ են» բառերով)՝ Գուգարք նահանգի գաւառները՝ Վիրք-Վարջան աշխարհ-շահրի դէպօւմ, Արցախի եւ Ուտիքի գաւառները՝ Աղուանքի դէպօւմ, եւ Կասպք-Փայտակարան նահանգը՝ Ալրապատական աշխարհ-շահրի դէպօւմ: Նկատենք, որ «Պարսից ժողովի» հայկական պատուիրակութեան հէնց այս տարածքային «յաւակնութիւնները», ի տարբերութիւն խմբի մնացեալ նպատակադրումների, մնացին Տիգբոնի կենտրոնական իշխանութեան կողմից «Հբաւարարուած»: Այդպէս՝ «Հայոց իշխան»ը, որի լիազօրութիւնների ճանաչումը չուտով որդեգրուեց Բիւզանդիայի, ապա նաեւ Արաբական խալիֆայութեան կողմից, իրաւասութիւններ չստացաւ Գուգարք, Արցախ, Ուտիք եւ Փայտակարան նահանգների նկատմամբ, եւ դա շարունակուեց ընդհուպ մինչեւ Աբրասեանների կողմից «Արմինիայի» իշխանաց իշխանի հաստատութեան սահմանումը թ. դարի առաջին կէսում, որն, ի դէպ, բաւականին արագ վերաճեց թագաւորական իշխանութեան. ընդ սմին թագրատունի թագաւորները, ովքեր շատ արագ զիջեցին իրենց գերիշխանութիւնը խալիֆայական «Արմինիայի» մաս կազմող թուն Վիրքի եւ Բուն Աղուանքի նկատմամբ (պաշտօնական արձանագրումը կարելի է տեսնել գոնէ Կոստանդին Ծիրանածնի մօտ), ամենեւին բաց չթողեցին պատեհութիւնը՝ վերը նշուած ծայրամասային նահանգները միասնական հայկական պետութեան կազմում «վերամիաւորելու» հարցում (որն, ըստ Կ. Իւզբաշեանի դիպուկ դիտարկման, ոչ պատահականօրէն էր վերստին ստացել «Մեծ Հայք» պաշտօնական անուանումը¹⁶):

16 ՅՈՅԲԱՇՅԱՆ, Կ. Հ., *Армянские государства эпохи Багратидов и Византии IX-XI вв.*, Москва 1988, 81.

«Աշխարհացոյց»ի ստեղծումը 610ական թուականի երկրորդ կէսին վերագրելով (թէրեւս՝ նախքան 618, երբ կառուցուեց Վաղարշապատի Սր. Հռիփսիմէի եկեղեցին, որի փոխարէն երկը գեռեւս նշում է «մարտիրոսուհու մատուռ»), գոնէ իրրեւ վարկած՝ հնարաւոր է շեշտել պատմական մի քանի հետաքրքրական իրողութեան վերաբերող խնդիրների նորովի քննարկման անհրաժեշտութիւնը։ Դրանցից մէկն է, թէ՝ արդեօք «Պարսից ժողովի» համատեքստում միաբնակութեանը չէր վերադարձուել նաև Վրաց եկեղեցին՝ բնականաբար, ժամանակաւորապէս եւ, անշուշտ՝ ստիպողական եղանակով։ Վերջինը հէնց այն եղանակն է, որից բառացիօրէն խուսափում էր Սմբատ Բագրատունին 600ական թուականներին (Մովսէս Յուրտաւեցի եպիսկոպոսին ուղղուած վերջին նամակում սրտեղելով) «Ին չե՞մ կարող սրի քաշել այդ ամրող ժողովրդին»¹⁷⁾, երբ, շեշտենք, բոլորովին այլ էր պարսկա-բէրւանդական ուժերի յարաբերակցութիւնը (եւ պարսից կողմը ստիպուած էր աւելի նրբանկատ լինել)։ Զէ՞ որ, ինչպէս նկատել է գեռեւս Ս. Երեմեանը, «Աշխարհացոյց»-ում Վրաց աշխարհ-շահրի նշանաւոր սրբավայր Մցխիթայի խաչը ներկայացուած է լիովին զրական լոյսով, այն դէպքում, երբ 609ին Աբրահամ Աղբաթանեցին նզովքի սպաննալիքով արգելեց իր հօտին ուխտի գնալ այնտեղ։ Ի դէպ, ուսումնասիրողն այդ հիմքով էր «Աշխարհացոյց»-ի ստեղծումը թուագրում 609/610 թուին նախորդող ժամանակով, որն, այսպիսով, պիտի համարուի վերապահելի։

«Աշխարհացոյց»-ի նման, փաստօրէն՝ ուղիղ վկայութեանը կարելի է յաւելել հայ եւ վրաց մատենադրական երկրի (այդ թուում վերը նշուած «Վիրոյ կաքողիկոսի պատմութեան») անուղղակի տուեալներն այն մասին, թէ ինչ անողոքութեամբ էր 626-627ին Հերակլ կայսեր լեզէոնների ու նրա դաշնակից թիւրքիւտների (Վրացական երկում խազարների) հրոսակների դէմ մարտնչում Տփիսի ամրոցում շրջապատուած «Քարթիփի երիսրաւ» Մտէփանող-Մտէփանէն¹⁸⁾ (Անանուն կաղանկատուացու երկում՝ «տեղա-

17 ԱՄԲԱՏ ԲԱԳՐԱՏՈՒՆԻ, Թուղթք [3], Հրատ. ՄՈՒՐԱԴԵԱՆ, Պ., ՅԱԿՈԲԵԱՆ, Ա., «Մատենագիր Հայոց», Խո. Դ., Անդրիլիս 2005, էջ 340:

18 ՋԿՅԱՆՇԵՐ ՋԿՅԱՆՇԵՐԻԱՆԻ, Հյուն Վահանգա Գորգասալ, Պերեօծ, աւեծուած և պահպանած Գ. Վ. ԱՎԱԼԱՅ, Տբիլիս 1986, 99-100; Քարթիփի ցիւփիւրայի կամ Վրաց պատմուեան հիմ հայերէն քարգմանութիւնը, Վրացերէն բնագիրը եւ հիմ հայերէն քարգմանութիւնը ուսումնասիրութեամբ եւ բառգրէով լոյս ընծայել ու. ԱԲՈՒԼԱԶԵՆ, Թրիլիսի 1953, էջ 189-190:

ցի վրաց իշխանը»): Իսկ դեռեւս Անտիոքոս Ստրատեգոսի երկը քննելիս Ն. Մառը ցոյց է տուել, որ Հերակլ կայսեր նկատմամբ դրական կամ բացասական (անդամ՝ իներտ) վերաբերմունքից կարելի է որոշել հայ եւ վրացի մատենագիրների ու նրանց հերոսների՝ երկարնակ կամ հակաքաղկեդոնական լինելը¹⁹: Տեղին նշենք, որ Ստեփանովը 627ին մահապատճի ենթարկուեց (մորթագերծ արուեց) իրանի դէմ ծանր պատերազմում, ի վերջոյ, յաղթանակած բիւզանդացիների կողմից (628ի գարնանն իր մայրաքաղաքում սպանուեց նաեւ Խոսրով արքան), որից յետոյ, ամենայն հաւանականութեամբ, Վիրքը վերադարձուեց քաղկեդոնական դաւանքին. ընդ սմին՝ 632ին Կարնոյ ժողովում Հերակլի պարտադրած միակամութեան-մոնոթելիզմի «Փոխիշումային» (բոլոր դէպքերում, իրօք՝ աւելի մեղմ) տարբերակով երկարնակութեանը գիշումների գնաց նաեւ Հայոց կաթողիկոս Եղի Արահեղացին:

Արդ՝ այս քննութեան արդիւնքները թոյլ չեն տալիս համաձայնուել մասնագիտական գրականութեան մէջ վերջին տարիներին ձեռնարկուած նոր փորձերին (Բաբկէն Ցարութիւնեան եւ Ալբերտ Մուշեղեան)՝ փաստարկելու Ե. դարի երկրորդ կէսի պատմիչ Մովսէս Խորենացուն «Աշխարհացոյց»ի հեղինակ անուանող ուշ ձեռագրական աւանդոյթի հաւասարիութիւնը²⁰:

Ճիշտ է, նշուած ուսումնասիրողների փորձերը վերաբերում են ոչ թէ մեզ հասած բնագրին (գոյնէ Զ. դարի վերջին յարող ծաւալուն նիւթով՝ Յառաջաբանը, Մեծ Հայքն իր Աջակայ երկրներով, Պարսից աշխարհը եւն.), այլ վերջինիս համար իբրև նախագաղափար ծառայած ինչ-որ մի օրինակի (Ֆ. դարում իբրև թէ «լուրջ խմբագրութեան» ենթարկուած): Սակայն նման ենթարկան օրինակի բնութագրիչները (պարամետրերը), այդուհանդերձ, չեն սահմանում նշուած մասնագիտների հրատարակած աշխատանքներում (իրականում «Աշխարհացոյց»ը մեծապէս արտացոլում է օգտագործած գլխաւոր աղբեկրների՝ Պտղոմէոսի եւ Պատպոս Աղէքանդրացու երկերի՝ Բ. եւ Դ. դարերին վերաբերող նիւթը, որին Բ. դ. հեղինակն աւելացրել է այլ աղբիւրներից քաղած իր ոչ պակաս պատկառելի գիտելիքը, բայց

19 АНТИОХ СТРАТИГ, Пленение Иерусалима персами в 614 г., Груз. текст исследовал, перевел, издал ... Н. МАРР, СПб. 1909, 60.

20 ՅԱՐՈՒԹԻՒՆԵԱՆ, Բ. 8., Մեծ Հայքի վարչա-հաղաժական բաժանման համակարգը ըստ «Աշխարհացոյց»-ի, Երևան 2001; ՄՈՒՇԵՂԵԱՆ, Ա. Վ., Մովսէս Խորենացու դարը, Երևան 2007:

նշուած «վաղ» դարերի այդ նիւթը, ինչպէս եւ որեւէ այլ վաղ աղբիւրագիտական նիւթ, չպէտք է մեզ շտապողական ժամանակագրական լուծումներ պարտադրի: Ի դէպ, մեր առայժմ նախնական տպաւորութեամբ՝ գուցեց, փոխարէնը կարող է հեռանկարային լինել «Աշխարհացոյց»-ի հեղինակի վնասութքը «Պարսից ժողովի» այն երկու հայ մասնակիցների թւում (Կոմիտաս Մամիկոնէից եպիսկոպոս եւ Մատթէոս Ամատունեաց եպիսկոպոս), որոնց յիշում է Սեբէոսը («Դիպեցան անդ արք երկու եպիսկոպոսի յաշխարհէն Հայոց, արք հաւատարիմք, զորս վասն բռնութեան աշխարհին էթ արակեալ, զի ծանուցեն քագաւորին՝ Կումիտաս Մամիկոնէից եպիսկոպոս եւ Մատթէոս Ամատունեաց») ²¹. Նման վարկածը ներկայումս պիտի ճշտի յայտնի երկերի ու դաւանական ժողովածուների բանասիրական յատուկ քննութիւնը:

«Աշխարհացոյց»ի համառօտ խմբագրութեան՝ շուրջ 4 տասնեակ գրչագրերում մեզ հասած բնագրի համադրական ընթերցումը ցոյց է տալիս, որ համառօտ խմբագրութիւնն իրադութողուն ուղղակի իր առջեւ չի գրել լուրջ սրբագրման կամ ծրագրային գաղափարախօսական խնդիրներ լուծելու նպատակներ: Նա կատարել է զուտ կրծատումներ ու պարզեցումներ, որոնք, բնականաբար, երբեմն յանձեցրել են բովանդակութեան յայտնի խեղաթիւրումների, սակայն՝ ամենեւին ո՛չ նպատակամղուած (օր՝ իրանշահրի նկարագրութեան հատուածում, ուր համառօտը, իւրօրինակ ձեւով «խուսափելով կրկնութիւնից», չի պահել «Աշխարհ Պարսից» հատուածը, իսկ նրա չորս մասերի նիւթը լրիւ խմբագրել-բաժանել է յաջորդող՝ Մարքի, Ելիմացիքի, Պարսքի եւ Արիքի գլուխների մէջ, որ համապատասխանում էին պտղոմէսուեան աշխարհներին)²²: Բացի այդ՝ ակնյալու է, որ արաբների հզօրացումն արձարծուած չէ նաեւ «Աշխարհացոյց»ի համառօտ բնագրում, ուստի վերջինս եւս պիտի կազմուած համարուի 620 կամ 630ական թուականներին: Ժամանակագրական այս սահմանը թոյլ է տալիս մտածել, որ համառօտութեան հեղինակը կարող էր լինել երիտասարդ եւ դեռ վարդապետական գիտելիքներ ձեռք չբերած

21 Սեբէոսի եպիսկոպոսի Պատմութիւն, Յշ. աշխ., էջ 124; Պատմութիւն Սեբէոսի, Յշ. աշխ., էջ 170:

22 Առաւել մանրամասն տե՛ս MARQUART, J., *Erānšahr nach der Geographie des Ps. Mosës Xorenaci: Mit historisch-kritischem Kommentar und historischen und topographischen Excursen*, Berlin, 1901; *The Geography of Ananias of Shirak (ԱՌԱՐԱԿՈՎՅԱՆ)*. The Long and the Short Recensions. Introduction, Translation and Commentary by HEWSEN, R. H., Wiesbaden 1992, 226-241:

Անանիա Շիրակացին (ով ծնուել էր 610ականների սկզբներին), որին յետագայ ձեռագրական աւանդոյթը վերագրում է համառօտ «Աշխարհացոյց»ի մի քանի միաւորների հեղինակումը: Միեւնոյն ժամանակ պիտի նշենք, որ աղբիւրագէտի հայեացքով ամենեւին ընկալելի չէ Շիրակացուն բուն «Աշխարհացոյց»ի հեղինակ համարող մասնագիտական վարկածի շարունակական արծարծումը (վերջերս՝ Ռ. Հիւսըն եւ ուրիշներ), քանի որ, ինչպէս նկատել է Ս. Երեմեանը, դրա բացառման համար լիովին բաւարար է 618ին հիմնադրուած կամ օծուած Սբ. Հոփիսիմէի տաճարի փոխարէն սրբուհու մատուռի յիշատակման փաստը:

Մեր նշած ժամանակագրական տարբերակով (630) կարող է ընկալելի դառնալ ե՛ւ հետագայ ձեռագիր ժողովածոներում Անանիա Շիրակացու երկերի հետ համառօտ «Աշխարհացոյց»ի հարեւանութեան փաստը, ե՛ւ նրա այդ երկերում առկայ տիեզերագիտական որոշ պատկերացումների շեղումը «Աշխարհացոյց»ի հեղինակի պատկերացումներից (որ մանրամասն ցոյց էին տալիս Յ. Մանանդեանը եւ Աշ. Աբրահամեանը)²³: Թըւում է՝ թէ հասուն տարիքում բազմաբեղուն վարդապետը լիովին կարող էր անդրադարձած չլինել պատանի տարիների իր «տեխնիկական» գործերից մէկին, բայց միաժամանակ՝ դա հազիւ թէ խանգարէր նրա գիտուն սաներին՝ այդ գործը եւս մեքենայաբար ներառելու իրենց ուսուցչի նորակազմ ժողովածոներում:

«Մղոնաչափ»ից յետոյ հեղինակային ուշագրաւ՝ «Այս քեզ յինեն ընծայ... Ո՞ղջ լեր ի Տէր» ընծայագրութեամբ աւարտուող «Աստղարաշխական երկրաշափութիւն» կամ «Աւդաչափութիւն» վերտառութեամբ աւարտական հատուածի (որի՝ «Աշխարհացոյց»ի մաս լինելը հիմնաւորապէս ապացուցել են դեռ Յ. Մանանդեանը եւ Աշ. Աբրահամեանը²⁴) վերջին պարբերութիւնը մենք փորձել ենք համեմատել Մովսէս Քերթողի (նաեւ՝ Քերական, Զ. կամ Է. դար) երկերից մէկի բնագրի հետ: Նշենք, որ նրա մասին ուղիղ կենսագրական տեղեկութիւններ չեն պահպանուել: ըստ Նիկ. Ադոնցի եւ Յակոբ Քէսոէկեանի՝ Մովսէս Քերթողը ծնուել է, հաւանաբար, ե. դարի Քերջին քառորդին եւ մահացել Զ. դարի առաջին կէսին, սակայն դա պէտք է համարել Քերապահելի: Համաձայն Ասողիկի վկայութեան՝ Մովսէսը Բագրեւանդի եպիսկոպոսն էր:

23 ԱԲՐԱՀԱՄԵԱՆ, Ա., Խորհեացուն վերագրուող «Աշխարհացոյց»ի հեղինակի հարցի շուրջը, Երևան 1940:

24 Անդ:

Ենելով մեզ յայտնի իր մի քանի երկերից՝ նա հմուտ է եղել յունացների, ինչպէս նաև՝ քերականութեան, հռետորութեան եւ իմաստասիրութեան մէջ. իր գրչին են վերագրւում Դիոնիսիոս Թրակացու «Գերականուրեան» թարգմանութիւնն ու մեկնութիւնը, Փիլոն Եբրայեցու որոշ երկերի հայացումը, ինչպէս նաև՝ «Յաղագս միոյ քնուրեան Բանին մարմնացելոյ» դաւանաբանական երկասիրութիւնը («Գիրք բղբոց»ում), որոշ շարականներ («Աստուածյայտնուրեան Երագալայցին», «Սր. Ծնննդեան կամ Աստուածյայտնուրեան Ա. Ա. աւուրցն», «Կարգ Յարուրեան»՝ Ա.Զ.-Դ.Կ.)՝ «Մնծացուսցէ»ներով հանդերձ, «Տեառնընդառաջին» եւ «Վերափոխման Ա. աւուրցն»), ինչպէս նաև մի աղօթք²⁵:

Արդ՝ «Մատենագիրք Հայոց»ում հրատարակուած Մովսէս Քերթողի «Երանելոյն Մեծի Գերբողակաւրն Մովսէսի եպիկոպոսի [Յաղագս միոյ քնուրեան Բանին մարմնացելոյ]» երկի բնագրում (էջ 1214թ, նախ. 62՝ վերջին) մասնաւորապէս կարդում ենք.

«...Զայս թեզ փոքր ի շատէ պատճառ յանդիմանուրեան, յաղագս քաֆանեալ ուսման այլանդակացն, զի ծանիցես, ո՞վ աստուածաւեր, յոմանց փախչել, եւ քաղձալ անսասանելի եւ անշուշտ հաւատոյ դաւանուրեան ի մարգարեկիցն տնկեալ եւ յառաքելոցն զարդարեալ, պայծառացուցանելով ընդ տիկերս, զի ընդ նոսին եւ պարգեւացն հասանիցեամբ, շնորհաւ եւ մարդասիրուրեամբ Տեառն մերոյ Յիսուսի Քրիստոսի, ընդ որում Հաւը եւ Հոգույն փա՛ռք յաւիտեանս»:

Կարծում ենք, որ իր շարադասութեամբ ու ոճով սրա հետ կարող է համեմատուել «Աշխարհացոյց»ի՝ «[Է.] Աստղարաշխական երկիրաշափուրիւն» հասուածի աւարտական բնագրի մի կտորը (նախ. 13՝ նախավերջին).

«Այս թեզ յինէն ընծայ գրատրական, վերծանեալ ի Պորփիրի Ներգործուրենեն, եւ գեղգեղեալ ի Պտղուեական Գրամատիկոս տանիցն եւ ի Բազմավկայ պատմուրենեն Պապայ Աղեքսանդրացւոյ»²⁶,

Եթէ մեր վարկածը ճիշտ է, ապա կարելի է ենթադրել, որ «Աշխարհացոյց»ի հեղինակը կարող է համարուել հէնց այս՝ Զ.-ի. դարերու մատենագիր Մովսէս Քերթողը»:

ԱԼԵՔՍԱՆ ԹԱԿՈՐԵԱՆ

25 Մամրամասն տես՝ «Մատենագիրք Հայոց», հատ. Դ.-Ե., է. դար, Ամբիլիաս 2005, 1209-1214:

26 Աշխարհացոյց է. դարի Ամամութի, Գիտա-քննական բնագիր Ա. ՑԱԿՈՒՆԻ, սն. 193:

Summary

TRYING TO FIND THE AUTHOR OF THE “ARMENIAN GEOGRAPHY” OF THE VII CENTURY

ALEQSAN HAKOBYAN

Our analysis reveals that the “Armenian Geography of the VII century” (“Ašxarhac’oyc”) was written in the second half of the 610th years and was used as geographical reference by the Armenian delegation, which took part in the famous “Persian Council” in the capital of Sasanian Iran Ktesiphon (615/616 or 617/618 years). Comparison of the texts shows, that the author of this work could have been an Armenian writer of the VI-VII centuries Movsēs Qerdogh. Three other writings of him has also reached us.